



## OPĆINSKO VIJEĆE ILIJAŠ

### Odgovori na vijećnička pitanja i inicijative sa 21. sjednice Općinskog vijeća Ilijaš održane dana 28.06.2018.godine

Ilijaš: Juli 2018.godine

\*\*\*\*\*

Općina Ilijaš, ulica 126. Ilijaške brigade br. 6., 71380 Ilijaš  
tel. (++387 33) 580-620, fax. 400-505, e-mail o\_ilijas@blh.net.ba  
Služba za saobraćaj, stambeno-komunalne poslove i građenje  
tel. (++387 33) 580-633, 580-672, 580-669



Broj certifikata: CR14625Q

**MUHAMED HANDŽIĆ – vijećnik BPS-Sefer Halilović**

Pitanje: "Kada će Direkcija za puteve Kantona Sarajevo vršiti rekonstrukciju Regionalnog puta Stari Iljaš - Bioča - Ahatovići i to na dionici od podvožnjaka u naselju Luka (ispod auto puta) do Biočkog mosta na rijeci Bosni. OBRAZLOŽENJE: Navedena dionica puta je u velikoj mjeri uništena i njena upotreba je gotovo pa nemoguća. Veći dio ove dionice je sužen na 2,5 metara širine, a zbog nasipa koji su postavljeni uz korito rijeke Bosne radi poplava, dok su udarne rupe na istoj u tolikoj mjeri da se ne mogu ni zaobići. NAPOMENA: Zahtijevam da se ovo moje pitanje uputi Direkciji za puteve Kantona Sarajevo od kojih očekujem i odgovor na isto.

Odgovor: Pitanje je dostavljeno Direkciji za puteve Kantona Sarajevo, do momenta odgovaranja na pitanja nismo dobili informaciju.

**ALMIR ŠPIODIĆ – vijećnik BPS - Sefer Halilović**

Pitanje 1: Koja je svrha postavljanja svjetlosne signalizacije na pružnom prelazu Alića rampe? Jesu li zaista potrebni semafori baš na toj dionici i kako će se regulisati drumski i željeznički saobraćaj u isto vrijeme, a poznato je da Željeznice nemaju tačan red vožnje?

Odgovor: Pitanje je dostavljeno Direkciji za puteve Kantona Sarajevo, do momenta odgovaranja na pitanja nismo dobili informaciju.

Pitanje 2: Koje su konkretno mjere poduzeli u skladu sa Odlukom o prokopavanju javnih površina na Kantonu Sarajevo, Općinski Inspektor i Nadzor nad radovima koje provodi BH Telecom na lokalitetu Podlugovi? Da li su sačinili zapisnik, evidentirali problem, procijenili štetu i kad će se izvršiti sanacija navedenih problema? Tražim da mi se dostavi kopija zapisnika.

Odgovor: U ovom slučaju se radi o prokopu javnih površina u cilju izgradnje novih instalacija. Vlasnik podzemnih instalacija (Investitor) je obavezan po završenim radovima zatražiti od Općinske Službe za prostorno uređenje i zaštitu okoliša, tehnički pregled izvedenih radova. Pri tehničkom pregledu izvedenih radova će biti sačinjen zapisnik i procijenjena eventualno šteta na ostaloj infrastrukturi. Investitor je sa izvođačem radova ugovorio prokop, zatvaranje prokopa i izradu radova na vezivnim slojevima kolovoznih konstrukcija saobraćajnica, odnosno saobraćajne površine. Izvođač radova po završetku navedenih radova na projektu obavezan je saobraćajnice predati preduzeću za održavanje saobraćajnica.

Inicijativa: Još u 2017. godini kroz jednu inicijativu tražio sam od Ministarstva saobraćaja Kantona Sarajevo i nadležne općinske službe da se izvrši postavljanje odgovarajuće saobraćajne signalizacije u užem dijelu grada Iljaša, tačnije na rješavanju raskrsnice kod policijske stanice, jer se na ovoj raskrsnici vrlo često dešavaju saobraćajne nesreće. Pokrećem ponovno inicijativu da Ministarstvo saobraćaja Kantona Sarajevo u saradnji sa nadležnom općinskom službom iznađe najbolje rješenje za raskrsnicu kod policijske stanice kako bi se smanjio broj saobraćajnih nesreća u našem gradu. Nadam se jednom konstruktivnom odgovoru, jer ste mi na prošlu inicijativu to uskratili.

Odgovor: Inicijativa je dostavljena Direkciji za puteve Kantona Sarajevo, do momenta odgovaranja nismo dobili informaciju. Služba će biti u kontaktu sa Direkcijom, kako bi na najbolji način našli rješenje za veću sigurnost na ovoj raskrsnici.

**SEAD ŠEHIĆ – vijećnik SDA**

Na prošloj sjednici OV-a postavio sam pitanje koje se odnosilo na područje Novog Naselja gdje se više od godinu dana nalaze dvije velike udarne rupe. Dobio sam odgovor da će općinska inspekcija izvršiti provjeru na terenu i naložiti nadležnim organima da riješe otklanjanje nedostataka. Nasut je tampon, ali usljed obilnih padavina ponovo su se pojavili krateri, a saobraćaj je frekventan i ulice su veoma uske. Zamolio bih i apelirao na načelnika i sve nadležne da se to završi, asfaltira.

Odgovor: Obzirom na nepovoljne vremenske uslove nije došlo do asfaltiranja pomenutih udarnih rupa, ali će u narednom periodu biti izvršena sanacija i asfaltiranje rupa.

**ANEL BUMBULOVIĆ – vijećnik SDA i**

**MEHMED SINANOVIĆ – vijećnik SDA**

Pitanje: S obzirom na konstantne probleme i pritužbe građana općine Ilijaš na atmosferska pražnjenja u neposrednoj blizini kao i epicentru kablovske mreže, a to ima za posljedicu uništavanje i kvarove na kućnim električnim uređajima i aparatima, priključcima na Telemach mrežu. S obzirom na gore navedeno, postavlja se pitanje da li kablovska mreža Telemach ima adekvatnu zaštitu od prenapona usljed atmosferskih pražnjenja u stubove na kojima je instalirana navedena mreža. Molio bih objašnjenje ko je odgovoran za nastale kvarove i ko bih stanovništvu mogao nadoknaditi nastalu štetu. Moramo još napomenuti da informacije sa terena govore da većina stubova na kojima se nalazi navedena mreža nema adekvatnu zaštitu i uzemljenje. Pitanje proslijediti kablovskom operateru Telemach.

Odgovor: Pitanje je dostavljeno administratoru kompanije Telemach na e-mail koji je proslijeđen Upravi kompanije, takođe je pitanje upućeno i putem pošte. Do momenta odgovaranja nismo dobili povratnu informaciju.

**Služba za saobraćaj,  
stambeno-komunalne poslove i građenje**